

Pwyllgor Craffu Addysg ac Economi

Perfformiad yr Adran Addysg

56

Mesur

75.00%

% Gwyrdd

14.29%

% Amber

10.71%

% Coch

42

Nifer Gwyrdd

8

Nifer Amber

6

Nifer Coch



"Hyrwyddo cyflawniad a lles plant a phobl ifanc Gwynedd drwy sicrhau llywodraethiant, arweinyddiaeth a rheolaeth effeithiol ein hysgolion"

Mesuryddion Addysg

Arlwyo	Cefnogaeth Fusnes	Cefnogaeth Fusnes	Cludiant Addysg	Diogelu	Diogelu	Diogelu	Diogelu
% o blant a phobl ifanc sydd yn fodlon gyda safon y cinio ysgol	% o ddefnyddwyr sydd yn fodlon gyda chefnogaeth y gwasanaeth	Nifer o ddyddiau ar gyfartaledd i dalu anfonebau	Nifer y cwynion am gludiant	% o ysgolion sydd wedi derbyn ymweliad monitro yn y ddwy flynedd addysgol diwethaf	% o ysgolion sydd wedi derbyn ymweliad monitro ac yn cydymffurfio yn dda neu'n well gyda'r gofynion Diogelu	% o staff yr Adran Addysg sydd efo gwiriad DBS cyfredol	% o staff ysgolion sydd efo gwiriad DBS cyfredol
1	1	2	1	1	1	2	2
100.00	100.00	42.00	12	100.00	97.90	99.65	99.70
Glanhau	Moderneiddio	Moderneiddio	Plant Mewn Gofal	Safonau Ysgol	Safonau Ysgol	Uned Ddata	Uned Ddata
% o ysgolion sydd yn fodlon gyda'r gwasanaeth	% o brosiectau Band B sydd yn symud ymlaen yn unol â'r disgwyl	% o brosiectau cyfalaf eraill sydd yn symud ymlaen yn unol â'r disgwyl	% o blant mewn gofal sy'n cyrraedd eu targedau addysgol	Nifer o ddyddiau ar gyfartaledd a gymer i ymateb i rwystrau sy'n cael eu cofnodi gan Ysgolion neu gan eraill am faterion gydag Ysgolion	% o ddefnyddwyr sydd yn fodlon gyda chefnogaeth y gwasanaeth	% o ddefnyddwyr sydd yn fodlon gyda chefnogaeth y gwasanaeth	Nifer o apeliadau mynediad i ysgolion a dderbyniwyd yn ystod y cyfnod
1	1	1	1	1	1	1	1
79.00	75.00	70.00	95.00	5.00	100.00	100.00	1

Mesuryddion Y Gymraeg

Canolfannau Iaith

% o blant a phobl ifanc sydd yn cyrraedd Lefel 1 neu uwch ar ddiwedd eu cyfnod mewn Canolfan Iaith (Cynradd)

93.00

Canolfannau Iaith

% o blant a phobl ifanc sydd yn cyrraedd Lefel 2 ar ddiwedd eu cyfnod mewn Canolfan Iaith (Cynradd)

79.00

Canolfannau Iaith

% o blant a phobl ifanc sydd yn cyrraedd Lefel 1 neu uwch ar ddiwedd eu cyfnod mewn Canolfan Iaith (Uwchradd)

100.00

Canolfannau Iaith

% o blant a phobl ifanc sydd yn cyrraedd Lefel 2 ar ddiwedd eu cyfnod mewn Canolfan Iaith (Uwchradd)

78.00

Mesuryddion ADY

ABC % o ddefnyddwyr sydd yn fodlon gyda chefnogaeth y gwasanaeth 1 100.00	ABC % o blant a phobl ifanc sydd yn derbyn mewnbwn ac yn gwneud cynnydd 2 74.80	ADY Ansawdd a Gweinyddol % o achosion a aeth ymlaen i lefel tribiwnlys 2 4.00	ADY Ansawdd a Gweinyddol % o ysgolion sydd angen cymorth tu draw i'r arferol – sef ymweliadau o leiaf bob hanner tymor (neu y nifer ysgolion sydd yn cael eu uwchraddio i'r system BAS oherwydd a... 1 0.97	ADY Penodol Nifer o blant sydd angen mewnbwn uniongyrchol gan y gwasanaeth 1 154	ADY Penodol % o ddefnyddwyr sydd yn fodlon gyda chefnogaeth y gwasanaeth 1 100.00	Corfforol Meddygol a Synhwyrdd % o ddefnyddwyr sydd yn fodlon gyda chefnogaeth y gwasanaeth 1 100.00	Corfforol Meddygol a Synhwyrdd % o blant a phobl ifanc sydd yn derbyn mewnbwn uniongyrchol ac yn gwneud cynnydd 2 85.00
ADY Blynnyddoedd Cynnar % yr achosion sy'n cyd fynd a'r amserlen statudol 1 100.00	ADY Blynnyddoedd Cynnar % o blant a phobl ifanc sydd yn derbyn mewnbwn uniongyrchol ac yn gwneud cynnydd 1 92.00	ADY Blynnyddoedd Cynnar % o ddefnyddwyr sydd yn fodlon gyda chefnogaeth y gwasanaeth 1 100.00	Cyfathrebu a Rhyngweithio % o ddefnyddwyr sydd yn fodlon gyda chefnogaeth y gwasanaeth 1 100.00	Cyfathrebu a Rhyngweithio % o blant a phobl ifanc sydd yn derbyn mewnbwn ac yn gwneud cynnydd 1 87.00	Gweinyddol % o benderfyniadau Panel a Fforwm sydd yn cael eu cofnodi yn y CDU o fewn 2 wythnos 1 100.00	Seicoleg % o ddefnyddwyr sydd yn fodlon gyda chefnogaeth y gwasanaeth 1 100.00	Seicoleg % o blant a phobl ifanc sydd yn derbyn mewnbwn ac yn gwneud cynnydd 2 72.00

Mesuryddion Cynhwysiad

Cwnsela

% o ddefnyddwyr sydd yn fodlon gyda chefnogaeth y gwasanaeth

1

92.00

Cwnsela

Cymedr nifer y diwrnodau y mae angen disgwyl am wasanaeth

2

10.00

Cynhwysiad

Nifer o ddyddiau gwaharddiadau penodol Cynradd

3

132.0

Cynhwysiad

Nifer o ddyddiau gwaharddiadau penodol Uwchradd

3

757.5

Cynhwysiad

Nifer o waharddiadau parhaol Cynradd

3

1

Cynhwysiad

Nifer o waharddiadau parhaol Uwchradd

3

10

Lles

Nifer o ddysgwyr Addysg Ddewisol Gartref

3

269

Lles

% presenoldeb disgyblion Cynradd

1

93.10

Lles

% presenoldeb disgyblion Uwchradd

3

88.80

SIY

% o ddefnyddwyr sydd yn fodlon gyda chefnogaeth y gwasanaeth

1

100.00

SIY

% o blant a phobl ifanc sydd yn derbyn mewnbwn uniongyrchol ac yn gwneud cynnydd

1

82.60

Mesuryddion Gwasanaeth Ieuenctid

Gwasanaeth Ieuenctid

Nifer o unigolion sydd wedi defnyddio'r Gwasanaeth Cymorth Ieuenctid 11-19 oed

4,891

Gwasanaeth Ieuenctid

Nifer o unigolion sydd wedi defnyddio Gwasanaeth Cymunedol Ieuenctid

3,872

Gwasanaeth Ieuenctid

Llwythi Achos Gwasanaeth Cymorth Ieuenctid 16-25 oed

89

Gwasanaeth Ieuenctid

Nifer o achrediadau mae'r bobl ifanc wedi eu cwblhau (mesur pob 3 mis)

410

Gwasanaeth Ieuenctid

% o'r bobl ifanc ble mae eu Lles wedi gwella ar ôl mynychu'r gwasanaeth

96.00

Gwasanaeth Ieuenctid

% o'r bobl ifanc sydd wedi mwynhau'r gwasanaeth a ddarperir

97.00

Gwasanaeth Ieuenctid

% o'r bobl ifanc a fyddai'n dymuno parhau i fynychu sesiynau llesiant yn y dyfodol.

97.00

Gwasanaeth Ieuenctid

% o'r bobl ifanc sydd wedi gwella eu llesiant dros gyfnod o 3 mis (tim 16-25)

70.00

Gwasanaeth Ieuenctid


% o'r bobl ifanc sydd wedi cyflawni amcanion eu cynlluniau personol.

74.00

Arlwyo

Pwrpas: Darparu bwyd maethlon ac iachus i ddisgyblion ysgolion Gwynedd

Mesurydd: % o blant a phobl ifanc sydd yn fodlon gyda safon y cinio ysgol




Rydym wedi bod yn casglu barn plant a phobl ifanc ar ginio ysgol bob hanner tymor. Derbyniwyd 17 o ymatebion unigol gyda thri yn nodi sgôr o 4 (blasus), ac 14 yn nodi sgôr o 5 (blasus iawn). Mae bwriad i ailedrych ar y drefn o gasglu barn plant a phobl ifanc ar ginio ysgol dros y cyfnod nesaf.

Cefnogaeth Fusnes

Pwrpas: Darparu cefnogaeth busnes effeithiol i ysgolion cynradd Gwynedd.

Mesurydd: % o ddefnyddwyr sydd yn fodlon gyda chefnogaeth y gwasanaeth




Yn ystod y cyfnod diwethaf, dosbarthwyd 11 holiadur boddhad cwsmeriaid. O'r 8 holiadur a dderbyniwyd yn ôl, nododd yr 8 eu bod yn fodlon iawn â'r Gwasanaeth gyda nifer o'r Penaethiaid yn cadarnhau bod staff y Ganolfan yn gwneud gwaith gwyb o gefnogi sy'n galonogol iawn.

Cefnogaeth Fusnes

Pwrpas: Darparu cefnogaeth busnes effeithiol i ysgolion cynradd Gwynedd.

Mesurydd: Nifer o ddyddiau ar gyfartaledd i dalu anfonebau




Ar gyfer y cyfnod diwethaf, cymerodd 42 diwrnod, ar gyfartaledd, i dalu anfoneb. Mae nifer y dyddiau ar gyfartaledd yn is na'r cyfnod diwethaf, fodd bynnag mae dal lle i wella. Rydym yn cydweithio gyda'r Adran Gyllid i oresgyn unrhyw rwystrau ac i sicrhau bod anfonebau'n cael eu talu'n amserol.

Cludiant Addysg

Pwrpas: Darparu cludiant addas i fynd a disgyblion i'r ysgol neu goleg

Mesurydd: Nifer y cwynion am gludiant




O'r 12 cwyn a gofnodwyd yn ystod y cyfnod yma, daethpwyd o hyd i ddatrysiad cadarnhaol i wyth ohonynt drwy gydweithio â Swyddogion yn drawsadrannol er mwyn cyflawni'r nod o sicrhau cludiant addas i'r dysgwyr hynny.

Mae un gŵyn yn parhau i aros am ddatrysiad gan fod y cais gwreiddiol yn groes i'r polisi cludiant, a lluniwyd ymateb yn amlinellu hyn. Mae'r tri chŵyn sydd yn weddill yn cael eu prosesu ar hyn o bryd, eto wrth gydweithio â thimau o sawl Adran yn ogystal â gweithredwyr y cytundebau cludiant.

Diogelu

Pwrpas: Diogelu lles plant a phobl ifanc Gwynedd.

Mesurydd: % o ysgolion sydd wedi derbyn ymweliad monitro ac yn cydymffurfio yn dda neu'n well gyda'r gofynion Diogelu




Dwy ysgol sydd wedi derbyn ail ymweliad yn ystod y cylch ymweliadau diwethaf. Pwrpas yr ail ymweliad oedd sicrhau bod argymhellion wedi eu gweithredu, h.y. bod angen diweddarau manylion cyswllt ar y posteri diogelu a sicrhau fod y polisïau cyfredol wedi eu mabwysiadu. Mae holl bolisïau sy'n ymwneud â diogelu ar gael i ysgolion drwy'r fewnwyd addysg. Mae holl bosteri diogelu (sy'n cynnwys y trefniadau i'w dilyn os oes pryder am blentyn neu honiad yn erbyn aelod o staff), wedi'u diweddarau ac wedi'u rhannu gydag ysgolion yn ddiweddar ac ar gael ar y fewnwyd addysg.

Diogelu

Pwrpas: Diogelu lles plant a phobl ifanc Gwynedd.

Mesurydd: % o ysgolion sydd wedi derbyn ymweliad monitro yn y ddwy flynedd addysgol diwethaf




Mae pob ysgol wedi derbyn Ymweliad Monitro yn y ddwy flynedd ddiwethaf. Bydd yr amserlen ymweld yn cael ei chyflawni yn flynyddol o fis Ionawr 2025 ymlaen. Ers dechrau mis Ionawr 2025, mae 20 o ysgolion wedi derbyn ymweliad monitro.

Diogelu

Pwrpas: Diogelu lles plant a phobl ifanc Gwynedd.

Mesurydd: % o staff yr Adran Addysg sydd efo gwiriad DBS cyfredol




Mae 11 aelod staff o'r Adran angen diweddaru eu DBS. O'r rhain, mae chwech yn staff achlysurol, dau i ffwrdd oherwydd salwch neu gyfnod mamolaeth, un oherwydd gwaharddiad ac mae dau yn y broses o ddiweddaru eu gwiriad DBS.

Diogelu

Pwrpas: Diogelu lles plant a phobl ifanc Gwynedd.

Mesurydd: % o staff ysgolion sydd efo gwiriad DBS cyfredol




Mae dau aelod o staff (1 cymhorthydd dosbarth ac 1 athro) angen diweddaru eu DBS. Mae'r ddau unigolyn wedi cychwyn ar y broses.

Glanhau

Pwrpas: Darparu gwasanaeth glanhau a gofalu safonol i Ysgolion Gwynedd

Mesurydd: % o ysgolion sydd yn fodlon gyda'r gwasanaeth




Derbyniwyd 56 ymateb gan benaethiaid i'r holiadur, gyda sgôr cyfartalog o 7.9 / 10. Bu i 9 ysgol nodi sgôr o 5 neu lai, a hynny am resymau megis prinder staff yn sgil anawsterau recriwtio, ynghyd ag anghysonderau yn ansawdd y glanhau o ardal i ardal yn yr ysgol. Bu i 30 ysgol nodi sgôr o 9 / 10 neu fwy.

Moderneiddio

Pwrpas: Gwireddu cyfres o brosiectau i gyrraedd at ddyheadau y Strategaeth Addysg

Mesurydd: % o brosiectau Band B sydd yn symud ymlaen yn unol a'r disgwyl




Mae'r prosiectau canlynol ar drac i'w cyflawni'n amserol: Ysgol Ein Harglwyddes a Chyflwr ac Addaswydd Gwedd 3 a 4. Mae Ysgol Hiracl wedi llithro yn sgil oedi gyda'r dyluniad. Derbyniwyd cymeradwyaeth i'r achos Amlinellol Strategol (Cam 1) ar gyfer Ysgol Tryfan ar 1 Ebrill 2025, ac mae gwaith yn mynd rhagddo gyda'r penseiri ar hyn o bryd.

Moderneiddio

Pwrpas: Gwireddu cyfres o brosiectau i gyrraedd at ddyheadau y Strategaeth Addysg

Mesurydd: % o brosiectau cyfalaf eraill sydd yn symud ymlaen yn unol â'r disgwyl




Cwblhawyd Canolfannau Iaith Tywyn a Cymerau, gyda Chanolfan Iaith Maesincla a Dolgellau wedi eu cwblhau erbyn diwedd Tymor yr Haf. Mae'r dasg o gynyddu capasiti Ysgol Gynradd Chwillog ac Ysgol Bro Lleu eisoes wedi'i cwblhau, a bydd dosbarth ychwanegol yn Ysgol Llanllechid wedi'i gyflawni erbyn Medi 2025. Mae materion cyfreithiol gyda'r Eglwys yng Nghymru ar safle Ysgol Y Faenol wedi eu datrys, ond mae trafodaethau'n parhau gyda rhan-ddeiliaid er mwyn datblygu maes parcio ar gyfer yr ysgol a Chanolfan Penrhosgarnedd. Mae'r gwaith o greu ysgol dros dro yn Bontnewydd yn mynd rhagddo, gyda'r bwriad o fod yn weithredol erbyn mis Medi 2025. O ran y Grant Ysgolion Bro, mae bwriad gwreiddiol y grant hwn o ddyrannu offer TGCh i ysgolion ar gyfer creu ystafelloedd hybrid wedi ei gwblhau, ond bod y gwaith o greu ystafelloedd hybrid wedi llithro gan ei fod ynghlwm ag amserlenni prosiectau eraill. O ran y Grant Cyfalaf ADY, mae 15 o brosiectau ar safleoedd ysgolion wedi eu cwblhau yn unol â'r amserlen, gyda chwe phrosiect pellach lle mae'r amserlen wedi llithro i Dymor yr Haf 2025 a hynny am amrywiol resymau, gan gynnwys methu penodi contractwr.



Plant Mewn Gofal

Pwrpas: Sicrhau fod CAP o ansawdd yn bodoli ar gyfer pob plentyn mewn gofal a'r targedau yn cael eu diwallu yn llwyddiannus

Mesurydd: % o blant mewn gofal sy'n cyrraedd eu targedau addysgol




Mae'r Cynlluniau Addysg Personol ar gyfer Plant mewn Gofal yn cael eu cwblhau'n amserol ac yn cynnwys targedau addysgol priodol. Mae rhai Cynlluniau Addysg Personol (CAPs) sydd angen eu gwella o ran targedau addysgol yn cael eu hadnabod mewn adolygiadau.

Safonau Ysgol

Pwrpas: Cefnogi rheolaeth, arweinyddiaeth a llywodraethiant effeithiol ysgolion Gwynedd.

Mesurydd: Nifer o ddyddiau ar gyfartaledd a gymer i ymateb i rwystrau sy'n cael eu cofnodi gan Ysgolion neu gan eraill am faterion gydag Ysgolion




Mae'r perfformiad yn parhau i fod yn gryf iawn ac yn adlewyrchiad o waith y nifer fechan iawn o swyddogion sydd yn y Tîm yma.

Safonau Ysgol

Pwrpas: Cefnogi rheolaeth, arweinyddiaeth a llywodraethiant effeithiol ysgolion Gwynedd.

Mesurydd: % o ddefnyddwyr sydd yn fodlon gyda chefnogaeth y gwasanaeth




Dyma'r tro olaf y byddwn ni'n adrodd ar berfformiad y tîm bychan Safonau Ysgolion yn y modd yma. Gyda GwE yn cael ei fewnoli a newidiadau sylweddol i'r Tîm, bydd gofyn i ni gael mesuryddion gwahanol wrth symud ymlaen. Unwaith yn rhagor, mae'r bodlonrwydd yn 100% gyda neb wedi nodi nad yw'r gefnogaeth yn ddigonol. Mae'r tîm o dan bwysau sylweddol oherwydd diffyg capasiti felly mae hyn yn galonogol iawn.

Uned Data

Pwrpas: Sicrhau cefnogaeth i'r Adran drwy ddarparu isadeiledd data a gwybodaeth o ansawdd uchel sy'n gyrru penderfyniadau a pherfformiad

Mesurydd: % o ddefnyddwyr sydd yn fodlon gyda chefnogaeth y gwasanaeth




O'r pedwar ymateb a dderbyniwyd, roedden nhw i gyd yn fodlon iawn gyda'r Gwasanaeth. Ni dderbyniwyd unrhyw sylwadau fel rhan o'r ymatebion.

Uned Data

Pwrpas: Sicrhau cefnogaeth i'r Adran drwy ddarparu isadeiledd data a gwybodaeth o ansawdd uchel sy'n gyrru penderfyniadau a pherfformiad

Mesurydd: Nifer o apeliadau mynediad i ysgolion a dderbyniwyd yn ystod y cyfnod




Derbyniwyd un apêl ar ôl i gais trosglwyddo gael ei wrthod. Ni fu'r rhieni'n llwyddiannus yn yr apêl, sy'n golygu bod y Panel Annibynnol yn cytuno bod y Cyngor wedi dilyn y Ddeddfwriaeth a'r prosesau'n gywir.

Canolfannau Iaith

Pwrpas: Hyrwyddo cyflawniad a lles plant a phobl ifanc Gwynedd i gaffael y Gymraeg

Mesurydd: % o blant a phobl ifanc sydd yn cyrraedd Lefel 1 neu uwch ar ddiwedd eu cyfnod mewn Canolfan Iaith (Cynradd)




Mae canlyniadau lefel 1 dysgwyr yn ein Canolfannau Trochi Cynradd yn amlygu llithriad o 7% y tymor hwn o ganlyniad i absenoldebau dysgwyr, er hynny, mae'r canlyniadau yn dda ac yn gyson dros dreigl amser.

Canolfannau Iaith

Pwrpas: Hyrwyddo cyflawniad a lles plant a phobl ifanc Gwynedd i gaffael y Gymraeg

Mesurydd: % o blant a phobl ifanc sydd yn cyrraedd Lefel 2 ar ddiwedd eu cyfnod mewn Canolfan Iaith (Cynradd)




Mae canlyniadau lefel 2 Canolfannau Trochi Iaith Cynradd yn dangos cynnydd o 7% yn y canlyniadau ar gyfer y tymor yma. Mae sawl ffactor wedi dylanwadu ar gynnydd y dysgwyr, gan gynnwys presenoldeb a nifer o ddysgwyr ym mlwyddyn 2 yn ifanc iawn yn eu blwyddyn.

Canolfannau Iaith

Pwrpas: Hyrwyddo cyflawniad a lles plant a phobl ifanc Gwynedd i gaffael y Gymraeg

Mesurydd: % o blant a phobl ifanc sydd yn cyrraedd Lefel 1 neu uwch ar ddiwedd eu cyfnod mewn Canolfan Iaith (Uwchradd)




Mae canlyniadau lefel 1 dysgwyr yn ein Canolfannau Trochi Pontio Cynradd/Uwchradd unwaith eto yn rhagorol ac yn gyson dros dreigl amser.

Canolfannau Iaith

Pwrpas: Hyrwyddo cyflawniad a lles plant a phobl ifanc Gwynedd i gaffael y Gymraeg

Mesurydd: % o blant a phobl ifanc sydd yn cyrraedd Lefel 2 ar ddiwedd eu cyfnod mewn Canolfan Iaith (Uwchradd)




Mae canlyniadau lefel 2 Canolfannau Trochi Iaith Pontio Cynradd Uwchradd y tymor hwn yn dangos gostyngiad bychan o 1% yn sgôr cyfartalog y garfan. Yn ogystal, llwyddodd 41 % o'r dysgwyr i gyflawni rhai o ofynion lefel 3 llafaredd.

ABC

Pwrpas: Paratoi plant ifanc ar gyfer byd addysg ac i fod yn ddysgwyr cyflawn ac annibynnol a cefnogi staff ysgolion a lleoliadau i ddarparu ar eu cyfer.

Mesurydd: % o ddefnyddwyr sydd yn fodlon gyda chefnogaeth y gwasanaeth




Derbyniwyd un ymateb gan ysgol lle nodwyd eu bod yn cael "cefnogaeth dda iawn gan staff yr unedau, sy'n amserol, ac maent ar gael unrhyw dro i roi cyngor. Diolch yn fawr am y gwasanaeth."

ABC

Pwrpas: Paratoi plant ifanc ar gyfer byd addysg ac i fod yn ddysgwyr cyflawn ac annibynnol a cefnogi staff ysgolion a lleoliadau i ddarparu ar eu cyfer.

Mesurydd: % o blant a phobl ifanc sydd yn derbyn mewnbwn ac yn gwneud cynnydd




Mae presenoldeb wedi cael effaith ar y ganran sy'n derbyn mewnbwn ac yn gwneud cynnydd. Rhwng Tachwedd 2024 a Mawrth 2025 mae lefelau'r salwch wedi bod yn uchel. Mae Gwasanaethau Cymdeithasol yn cefnogi nifer o'r teuluoedd ac yn gweithio gyda'r tîmau ABC i gefnogi'r teuluoedd hyn. Yn ogystal, mae'r plant o dan yr oedran statudol ar gyfer addysg ac mae hyn yn ei gwneud hi'n anodd i'r Awdurdod orfodi presenoldeb. Fodd bynnag, rydym wedi sylwi bod y presenoldeb wedi gwella ychydig yn nhymor y gwanwyn 2025.

ADY Ansawdd & Gweinyddol

Pwrpas: Cefnogi ysgolion yn datblygu i fod yn sefydliadau cynhwysol fel bod pob dysgwr yn cyrraedd eu potensial.

Mesurydd: % o achosion a aeth ymlaen i lefel tribiwnlys




Mae'r nifer wedi sefydlogi erbyn hyn, ac ni chafwyd apêl newydd yn ystod y cyfnod yma. Er hyn, rhaid cofio bod achosion yn gallu cael sawl cyfarfod rheoli sydd wedyn yn arwain at fwy o Gyfarwyddiadau gan y Barnwr, a dyma a welir gyda'r pedwar achos hwn gyda dau benodol yn para dros chwe mis.

ADY Ansawdd & Gweinyddol

Pwrpas: Cefnogi ysgolion yn datblygu i fod yn sefydliadau cynhwysol fel bod pob dysgwr yn cyrraedd eu potensial.

Mesurydd: % o ysgolion sydd angen cymorth tu draw i'r arferol – sef ymweliadau o leiaf bob hanner tymor (neu y nifer ysgolion sydd yn cael eu uwchraddio i'r system BAS oherwydd ansawdd ADY/Ch)




Mae un ysgol bellach wedi gwella'n sylweddol ac, o ganlyniad, dim ond ymweliadau monitro arferol sydd eu hangen; er gwaethaf hyn, mae ysgol arall wedi'i huwchraddio, a byddwn yn cynnig pecyn cymorth llawn.

ADY Penodol

Pwrpas: Cefnogi plant a phobl ifanc sy'n cael anawsterau sylweddol yn y maes llythrennedd a rhifedd i gael mynediad i addysg.

Mesurydd: Nifer o blant sydd angen mewnbwn uniongyrchol gan y gwasanaeth




Mae 154 o ddisgyblion yn derbyn mewnbwn gan y Gwasanaeth Anghenion Dysgu Ychwanegol Penodol (ADP) y tymor o'i gymharu â 159 yn yr un cyfnod y llynedd. Gwelwyd cynnydd bach yn y niferoedd o ddisgyblion ers y tymor diwethaf (142). Gall y cynnydd fod yn sgil mwy o alw am gefnogaeth i ddisgyblion gydag anawsterau penodol yn ymwneud â gwaith rhif. Er mwyn ceisio ymateb i'r galw, mae'r athrawon arbenigol ADP yn gweithio ar becyn tebyg i 'Rydw i'n Gallu (llythrennedd)' ond yn seiliedig ar rif. Byddai hyn yn arfogi staff ysgolion i gefnogi'r disgyblion sydd yn cael mwy o anhawster gyda rhifedd. Gydag un athrawes yn llai na'r llynedd o fewn y Tîm, mae'r athrawon ADP wedi ymdrechu i roi hyfforddiant torfol i ddalgylchoedd i uwch-sgilio staff er mwyn cefnogi'r disgyblion yn fewnol.



ADY Penodol

Pwrpas: Cefnogi plant a phobl ifanc sy'n cael anawsterau sylweddol yn y maes llythrennedd a rhifedd i gael mynediad i addysg.

Mesurydd: % o ddefnyddwyr sydd yn fodlon gyda chefnogaeth y gwasanaeth




Mae 100% o'r defnyddwyr yn fodlon iawn gyda'r gefnogaeth a dderbyniwyd gan y Gwasanaeth. Nododd un ysgol fod adnoddau, cyngor a thargedau gwyb wedi'u rhannu gan y Tîm, ond ei bod hi'n anodd gweithredu'r targedau oherwydd diffyg staffio. Mae cymhorthydd Anghenion Dysgu Ychwanegol Penodol (ADP) yn cefnogi'n wythnosol mewn ysgolion lle mae angen, ond nid yw hyn bob amser yn addas. Rydym yn gweld bod toriadau staffio mewn rhai ysgolion yn cael ei nodi fel rheswm pam nad yw disgyblion yn cael eu targedu'n rheolaidd. Rydym hefyd yn annog staff ysgol i gysgodi staff ADP er mwyn gallu modelu pan ddaw cefnogaeth gan athrawon / staff arbenigol i ben.



Corfforol, Meddygol & Synhwyrdd

Pwrpas: Cefnogi plant a phobl ifan sydd a chyflwr meddygol/corfforol/synhwyrdd i gael mynediad i addysg.

Mesurydd: % o ddefnyddwyr sydd yn fodlon gyda chefnogaeth y gwasanaeth




Derbyniwyd 6 ymateb i'r holiadur dros y cyfnod diwethaf, a gwelwyd fod 100% o ddefnyddwyr y Gwasanaeth yn fodlon iawn gyda'r gefnogaeth y maent yn ei derbyn.

Derbyniwyd sylwadau cadarnhaol fod y Gwasanaeth yn gefnogol iawn o'r lleoliadau gan roi arweiniad a hyfforddiant perthnasol i'r staff. Nodwyd fod athrawon arbenigol yn cydweithio yn arbennig o dda gyda staff ysgolion wrth gynllunio y ffordd ymlaen a pharatoi ar gyfer y disgyblion.

Corfforol, Meddygol & Synhwyrdd

Pwrpas: Cefnogi plant a phobl ifan sydd a chyflwr meddygol/corfforol/synhwyrdd i gael mynediad i addysg.

Mesurydd: % o blant a phobl ifanc sydd yn derbyn mewnbwn uniongyrchol ac yn gwneud cynnydd




Rydym wedi gweld cynnydd yn nifer y disgyblion sy'n derbyn mewnbwn rheolaidd y tymor hwn, ond bu gostyngiad o 3% yn y nifer sydd wedi llwyddo i wneud cynnydd.

Mae nifer wedi gwneud cynnydd da mewn sgiliau teipio, gan lwyddo i leoli llythrennau'n annibynnol gyda chyflymder, a chywirdeb teipio hefyd yn datblygu'n dda. Er gwaethaf hyn, ni welwyd cynnydd mewn ychydig o ddisgyblion am nifer o wahanol resymau gan gynnwys aros am apwyntiadau gan y gwasanaeth iechyd (disgyblion clyw); bu cyfnod o arholiadau mewnol mewn rhai ysgolion ac mae'r diffyg presenoldeb wedi cyfrannu'n sylweddol at y diffyg cynnydd mewn sgiliau gan nifer o ddisgyblion. Mae'r athrawon arbenigol wedi cael cyfarfodydd gyda rhai rhieni a'r ysgolion i geisio trafod a datrys y presenoldeb isel yr unigolion hyn.

ADY Blynnyddoedd Cynnar

Pwrpas: Sicrhau fod dyletswyddau statudol yr ALL mewn perthynas â phlant o dan oedran ysgol yn cael eu gweithredu'n llawn er mwyn adnabod anghenion yn brydlon a rhoi ymyriadau priodol ar waith i atal ADY rhag datblygu neu waethygu

Mesurydd: % yr achosion yn cyd fynd a'r amserlen statudol




Yn ystod y cyfnod diwethaf, derbyniwyd 33 o gyfeiriadau, o'i gymharu â'r 22 a dderbyniwyd yn yr un cyfnod y llynedd. Cwblhawyd 29 o ymholiadau, gan roi 25 o Gynlluniau Datblygu Unigol ar waith, gyda chyfartaledd o 8.6 wythnos - cynnydd o'i gymharu â'r cyfnod blaenorol. Bydd y Gwasanaeth yn parhau i fonitro'r sefyllfa ac adolygu strwythur y Tîm er mwyn ymateb i'r cynnydd.

ADY Blynnyddoedd Cynnar

Pwrpas: Sicrhau fod dyletswyddau statudol yr ALL mewn perthynas â phlant o dan oedran ysgol yn cael eu gweithredu'n llawn er mwyn adnabod anghenion yn brydlon a rhoi ymyriadau priodol ar waith i atal ADY rhag datblygu neu waethygu

Mesurydd: % o blant a phobl ifanc sydd yn derbyn mewnbwn uniongyrchol ac yn gwneud cynnydd



Yn ystod y cyfnod diwethaf, mae'r rhan fwyaf o blant (92%) sydd â Chynllun Datblygu Unigol (CDU) wedi gwneud cynnydd cadarnhaol yn erbyn eu targedau o fewn y CDU. Mae hyn yn cadarnhau bod y Gwasanaeth yn defnyddio adnoddau'n effeithiol i gefnogi lleoliadau blynnyddoedd cynnar er mwyn darparu darpariaeth ychwanegol gyson ac o ansawdd da.


Ar gyfer yr ychydig blant nad ydynt wedi gwneud y cynnydd disgwyledig, mae'r gefnogaeth ychwanegol ganlynol wedi'i chymeradwyo:

- I. Mae Swyddog Rhiantu wedi dechrau gweithio gyda'r teulu.
- II. Mae Athrawes Arbenigol yn darparu sesiynau wythnosol i gefnogi'r plentyn.
- III. Mae Athrawes Arbenigol yn ymweld â'r lleoliad yn rheolaidd i fodelu darpariaeth ddysgu effeithiol ar gyfer y gweithiwr allweddol.

ADY Blynyddoedd Cynnar

Pwrpas: Sicrhau fod dyletswyddau statudol yr ALL mewn perthynas â phlant o dan oedran ysgol yn cael eu gweithredu'n llawn er mwyn adnabod anghenion yn brydlon a rhoi ymyriadau priodol ar waith i atal ADY rhag datblygu neu waethygu

Mesurydd: % o ddefnyddwyr sydd yn fodlon gyda chefnogaeth y gwasanaeth



Derbyniwyd 9 ymateb yn y cyfnod diwethaf, gyda phob un yn fodlon neu fodlon iawn gyda'r gefnogaeth derbyniwyd gan y Tîm. Nodir sylwadau megis:


'*** has been more than helpful. She cares and after two years of fighting and worry...*** has brought us a feeling of positivity to an exhausted mum. We just want what's best for **** and know she can achieve.'

'*** has been great, very professional but also very approachable on a personal level if I ever needed advice or clarification with anything.'

Cyfathrebu & Rhyngweithio

Pwrpas: Gwella sgiliau cyfathrebu a rhyngweithio disgyblion sydd ar y Sbectrwm Awtistiaeth neu gydag anawsterau cyfathrebu fel y gallant ffynnu yn addysgol a chymdeithasol.

Mesurydd: % o ddefnyddwyr sydd yn fodlon gyda chefnogaeth y gwasanaeth




Derbyniwyd dau ymateb yn ystod y cyfnod yma, ac o'r rheini, nodwyd eu bod yn ddiolchgar iawn ac yn hapus gyda'r Gwasanaeth a'r cyngor y maent yn ei dderbyn gan y Tîm.

Cyfathrebu & Rhyngweithio

Pwrpas: Gwella sgiliau cyfathrebu a rhyngweithio disgyblion sydd ar y Sbectrwm Awtistiaeth neu gydag anawsterau cyfathrebu fel y gallant ffynnu yn addysgol a chymdeithasol.

Mesurydd: % o blant a phobl ifanc sydd yn derbyn mewnbwn ac yn gwneud cynnydd



Mae 87% o blant a phobl ifanc sy'n derbyn mewnbwn yn gwneud cynnydd. Mae'r prif resymau am ddiffyg cynnydd yn parhau i fod yn


- Presenoldeb y disgybl yn isel
- Dwyster anghenion y disgybl
- Cysondeb staffio yn yr ysgol



Gweinyddol

Pwrpas: Cefnogi'r timau ADYaCH, Ysgolion a'r cyhoedd ar gyfer darparu mewnbwn ADY a Ch

Mesurydd: % o benderfyniadau Panel a Fforwm sydd yn cael eu cofnodi yn y CDU o fewn 2 wythnos




Nifer Panel = 306
Nifer Fforwm = 224
Cyfanswm = 530
Mae pob cais Panel a Fforwm wedi'i weinyddu ar yr CDU o fewn yr amser

Seicoleg

Pwrpas: Defnyddio gwybodaeth ac ymyrraethau seiliedig ar Seicoleg i hyrwyddo newid cadarnhaol i blant a phobl ifanc.

Mesurydd: % o ddefnyddwyr sydd yn fodlon gyda chefnogaeth y gwasanaeth




Derbyniwyd sylwadau cadarnhaol ynglŷn â pha mor ddefnyddiol yw cael trafodaethau gyda Seicolegwyr yn y cyfarfodydd cynllunio. Derbyniwyd sylwadau cadarnhaol hefyd ynglŷn â phroffesiynoldeb y Tîm.

Seicoleg

Pwrpas: Defnyddio gwybodaeth ac ymyrraethau seiliedig ar Seioleg i hyrwyddo newid cadarnhaol i blant a phobl ifanc.

Mesurydd: % o blant a phobl ifanc sydd yn derbyn mewnbwn ac yn gwneud cynnydd




Mae 72% wedi gwneud "peth cynnydd" neu "gynnydd da" yn dilyn mewnbwn gan y Gwasanaeth. Roedd dros 55% o'r achosion yn profi anawsterau ymddygiadol neu emosiynol ac felly efallai y bydd cyfnod gweithredu hirach cyn y gwelir cynnydd. Derbyniwyd sylwadau cadarnhaol gan yr ysgolion gan gynnwys "Cawsom lawer o syniadau a strategaethau da iawn o gyflwyno'r achos ac er nad oes llawer o gynnydd wedi'i wneud hyd yn hyn nid yw hyn oherwydd ymdrechion a threialu'r cynigion ond oherwydd y sefyllfa adref sy'n parhau i fod yn heriol i'r plentyn."

Cwnsela

Pwrpas: Darparu gwasanaeth cwnsela amserol i ddisgyblion.

Mesurydd: % o ddefnyddwyr sydd yn fodlon gyda chefnogaeth y gwasanaeth




Derbyniwyd 122 o ymatebion gyda'r mwyafrif helaeth yn fodlon iawn efo'r Gwasanaeth. Yn ychwanegol, derbyniwyd sylwadau cadarnhaol iawn.

Cwnsela

Pwrpas: Darparu gwasanaeth cwnsela amserol i ddisgyblion.

Mesurydd: Cymedr nifer y diwrnodau y mae angen disgwyl am wasanaeth




O ran yr ysgolion Uwchradd, mae'r amser aros yn eithaf derbynol.
Fodd bynnag, mae ein rhestr aros yn yr ysgolion Cynradd wedi
cynyddu'n sylweddol yn y wythnosau diwethaf. Bydd hyn yn sicr yn
cael effaith ar y ffigwr yma erbyn ein hadroddiad nesaf.

Cynhwysiad

Pwrpas: Cefnogi ysgolion i ddarparu amgylchedd ddysgu i helpu plant a phobl ifanc dderbyn addysg addas.

Mesurydd: Nifer o ddyddiau gwaharddiadau penodol Cynradd




Bu cynnydd yn nifer y dyddiau o waharddiadau cyfnod penodol. Ers 01/12/24, mae 132 diwrnod wedi'u colli oherwydd gwaharddiadau ar gyfer 59 o achosion.

Gyda chynnydd mewn gwaharddiadau yn y cyfnod Cynradd, mae'r gwaith o adolygu'r gefnogaeth ganolog yn mynd rhagddo i ymateb i'r heriau sy'n dod i'r amlwg.

Cynhwysiad

Pwrpas: Cefnogi ysgolion i ddarparu amgylchedd ddysgu i helpu plant a phobl ifanc dderbyn addysg addas.

Mesurydd: Nifer o ddyddiau gwaharddiadau penodol Uwchradd



Bu cynnydd yn nifer y dyddiau o waharddiadau cyfnod penodol. Ers 01/12/24, mae 757 diwrnod wedi'u colli oherwydd gwaharddiadau ar gyfer 295 o achosion. Mae tair ysgol wedi gwahardd yn drwm, gyda dros 100 diwrnod yr un.


Nid yw dwy ysgol wedi adrodd data ar gyfer y chwarter diwethaf. Mae'r Awdurdod Addysg yn monitro'r gwaharddiadau yn fisol, er mwyn adnabod patrymau ac unigolion sy'n derbyn gwaharddiadau yn rheolaidd. Mae'r Tîm Cynhwysiad yn cefnogi a chynnig argymhellion.

Mae pob ysgol Uwchradd yng Ngwynedd yn derbyn cyllideb ddatganoledig ar gyfer sicrhau cefnogaeth i ddisgyblion gydag anghenion ymddygiadol a/neu emosiynol.

Cynhwysiad

Pwrpas: Cefnogi ysgolion i ddarparu amgylchedd ddysgu i helpu plant a phobl ifanc dderbyn addysg addas.

Mesurydd: Nifer o waharddiadau parhaol Cynradd




Mae un ysgol wedi gwahardd disgybl yn barhaol. Roedd yr ysgol yn flaenorol wedi cynnig ystod o ymyrraethau i'r plentyn mewn ymgais i'w gefnogi ond roedd y digwyddiad olaf yn ymosodiad difrifol a niwed i offer yr ysgol. Mae'r disgybl bellach wedi ei gofrestru mewn ysgol arall ac mae'n cael ei gefnogi gan y tîm ymyrraeth gynnar. Mae'n bosib i ysgolion gyfeirio am gefnogaeth mewn achosion o anawsterau ymddygiadol, ac mae Tîm ar gael i gynghori ar strategaethau i gynnal ymddygiad da.

Cynhwysiad

Pwrpas: Cefnogi ysgolion i ddarparu amgylchedd ddysgu i helpu plant a phobl ifanc dderbyn addysg addas.

Mesurydd: Nifer o waharddiadau parhaol Uwchradd



Mae 10 gwaharddiad parhaol, gan chwe ysgol, wedi ei weithredu dros y cyfnod adrodd yma. Mae tri phenderfyniad wedi cael ei wrthdroi; dau gan banel disgyblu'r ysgol ac un mewn gwrandawriad annibynnol. Mae cyfanswm o 33 gwaharddiad wedi ei weithredu ers mis Medi 2024, gyda 27% o'r rhain yn dod o un ysgol.


Rhoddwyd sylw manwl i'r mater hwn, gan gynnwys sefydlu Bwrdd Prosiect, gweithio ar strategaeth newydd ac ailystyried y ddarpariaeth, sy'n cynnwys Canolfan Gyfeirio Disgyblion benodol ar gyfer y disgyblion mwyaf heriol, cynyddu'r tîm cynnal ymddygiad a chreu pecynnau cefnogaeth ychwanegol. Mae hyn ar ben dyraniad cyllid cynhwysiad sylweddol i'r Uwchradd.



Lles

Pwrpas: Cefnogi disgyblion i sicrhau ei bod yn mynychu addysg yn llwyddiannus

Mesurydd: Nifer o ddysgwyr Addysg Ddewisol Gartref




Mae 269 o blant yn hysbys i ni fel rhai sy'n derbyn Addysg Ddewisol Gartref ac o'r ffigwr yma, mae 101 wedi dadgofrestru neu wedi dod i'n sylw ers mis Medi 2024. O'r plant sydd ar y gofrestr, roedd 85% wedi cofrestru mewn ysgol a gynhelir gan yr Awdurdod, a'r gweddill unai wedi'u haddysgu y tu allan i'r Sir neu wedi'u cofrestru ers oed statudol addysg.

Mae mwy o ddisgyblion blwyddyn 11 ar y gofrestr o'i gymharu â'r blynyddoedd eraill.

Lles

Pwrpas: Cefnogi disgyblion i sicrhau ei bod yn mynychu addysg yn llwyddiannus

Mesurydd: % presenoldeb disgyblion Cynradd




Mae mwyafrif yr ysgolion Cynradd yn 90% neu'n uwch (mae pum ysgol o dan y ganran yma). Rydym yn falch o adrodd bod canran presenoldeb ein hysgolion Cynradd ar gynnydd. Mae Swyddogion Lles yr ysgol yn cefnogi gydag achosion anodd.

Lles

Pwrpas: Cefnogi disgyblion i sicrhau ei bod yn mynychu addysg yn llwyddiannus

Mesurydd: % presenoldeb disgyblion Uwchradd



Mae canrannau presenoldeb Uwchradd yn parhau i fod yn bryder, gyda phump ysgol yn ein categori coch, sef ysgolion o dan 88%. Mae sylw ychwanegol wedi ei roi i'r ysgolion yma, gan gynnwys cyfarfodydd gyda'r Penaethiaid i drafod ymhellach.


Mae ymweliadau i'r ysgolion wedi digwydd er mwyn cynnig arweiniad ar y camau sydd angen iddynt eu dilyn i gefnogi'r daith i wella presenoldeb. Mae Swyddogion Lles yr ysgolion ar gael i gefnogi gyda'r disgyblion sy'n dod i'r amlwg fel rhai lle mae risg i'w presenoldeb ddisgyn.

Mae presenoldeb yr Awdurdod yn 91.1%, sydd yn gyfartal â Chymru (adroddiad Mawrth 2025). Mae cyfartaledd disgyblion PYD yn isel ar draws yr Awdurdod gyda'r ganran Uwchradd yn 81.2%.

Saesneg fel Iaith Ychwanegol

Pwrpas: Gweithio gyda phlant a phobl ifanc sydd yn dod o gefndiroedd lleiafrifoedd ethnig er mwyn eu galluogi i gael mynediad i addysg a chymuned ddwy-ieithog Cymraeg a Saesneg

Mesurydd: % o ddefnyddwyr sydd yn fodlon gyda chefnogaeth y gwasanaeth




Mae dwy ysgol wedi ymateb - un yn nodi pa mor werthfawr yw'r Gwasanaeth pan fydd ysgolion yn derbyn disgyblion sy'n cyrraedd 'heb iaith' (Saesneg/Cymraeg) a'r llall yn nodi eu bod yn 'hapus iawn' gyda'r Gwasanaeth y mae'r ysgol yn ei dderbyn.

Saesneg fel laith Ychwanegol

Pwrpas: Gweithio gyda phlant a phobl ifanc sydd yn dod o gefndiroedd lleiafrifoedd ethnig er mwyn eu galluogi i gael mynediad i addysg a chymuned ddwy-ieithog Cymraeg a Saesneg

Mesurydd: % o blant a phobl ifanc sydd yn derbyn mewnbwn uniongyrchol ac yn gwneud cynnydd




Yn ystod y tymor yma, mae nifer o ddisgyblion wedi elwa o ail dymor o gefnogaeth gan y Gwasanaeth ac felly wedi gwneud cynnydd cadarnhaol. Mae ychydig o ddisgyblion yn newydd i'r Gwasanaeth ac un lle mae pryder wedi'i nodi ynghylch presenoldeb ac rydym wedi trosglwyddo'r wybodaeth yma i'r Swyddog Lles perthnasol. Mae'r ysgolion yn adrodd yn gadarnhaol iawn am y gwaith sy'n cael ei wneud gyda disgyblion SIY ar draws Gwynedd a Môn.

Gwasanaeth Ieuenctid

Pwrpas: Dwi eisiau i chi wrando arna i, a cynnwys fi; fel fy mod yn gallu bod yn berson ifanc, iach, hapus a diogel i wella fy llesiant i helpu mi gyrraedd fy llawn botensial.

Mesurydd: Nifer o unigolion sydd wedi defnyddio'r Gwasanaeth Cymorth Ieuenctid 11-19 oed




Rhagfyr-1237
Ionawr- 1104
Chwefror-1201
Mawrth-1349

Mae'r ffigyrau rhwng mis Rhagfyr 2024 a mis Mawrth 2025 yn galonogol iawn. Mae'r ffigyrau yn ychydig yn well na'r disgwyl, ac yn uwch na'r misoedd cyfatebol yn 2023. Rydym wedi gweld cynnydd yn ein darpariaeth yn yr ysgolion a phrosiectau sydd yn pontio yn y gymuned dros y cyfnod yma, ynghyd â cynnydd yn y gweithwyr rhan amser sy'n helpu i redeg ein gwaith.

Gwasanaeth Ieuenctid

Pwrpas: Dwi eisiau i chi wrando arna i, a cynnwys fi; fel fy mod yn gallu bod yn berson ifanc, iach, hapus a diogel i wella fy llesiant i helpu mi gyrraedd fy llawn botensial.

Mesurydd: Nifer o unigolion sydd wedi defnyddio Gwasanaeth Cymunedol Ieuenctid




Rhagfyr-619
Ionawr- 901
Chwefror-1135
Mawrth-1217

Mae'r cynnydd parhaus yn nifer y bobl ifanc sy'n manteisio ar y Gwasanaeth Cymunedol Ieuenctid yn dystiolaeth glir o'i berthnasedd a'i effaith gadarnhaol. Mae'r ffigurau hyn yn dangos bod pobl ifanc yn gweld gwerth yn y cyfleoedd a'r gweithgareddau sy'n cael eu cynnig. Mae'r ffigwr yma yn adlewyrchu'r cyfranogiad o ddarpariaeth clybiau cymunedol sydd yn cael ei ariannu gan y cynghorau tref, prosiectau cymunedol a thripiâu/ alldeithiau sydd wedi cael ei drefnu gan y Gwasanaeth Ieuenctid. Mae'r ffigwr yn is na yr arfer ym mis Rhagfyr gan fod saib yn y ddarpariaeth dros gyfnod y Nadolig.

Gwasanaeth Ieuenctid

Pwrpas: Dwi eisiau i chi wrando arna i, a cynnwys fi; fel fy mod yn gallu bod yn berson ifanc, iach, hapus a diogel i wella fy llesiant i helpu mi gyrraedd fy llawn botensial.

Mesurydd: Llwythi Achos Gwasanaeth Cymorth Ieuenctid 16-25 oed




Mae cyfanswm y llwythi achos wedi cynyddu ac mae hyn yn adlewyrchiad o'r angen parhaus am y gefnogaeth yr ydym yn ei darparu, yn ogystal â'r lleihad mewn gwasanaethau tebyg sydd ar gael yn y sir i bobl ifanc 18-25 oed. Rydym yn disgwyl i'r ffigwr yma godi ychydig eto yn y misoedd nesaf er mwyn gallu diwallu anghenion y bobl ifanc sydd heb ymgysylltu eto ers gadael yr ysgol.

Gwasanaeth Ieuenctid

Pwrpas: Dwi eisiau i chi wrando arna i, a cynnwys fi; fel fy mod yn gallu bod yn berson ifanc, iach, hapus a diogel i wella fy llesiant i helpu mi gyrraedd fy llawn botensial.

Mesurydd: Nifer o achrediadau mae'r pobl ifanc wedi eu cwblhau (mesur pob 3 mis)




Mae'r Gwasanaeth Ieuenctid yn Ganolfan Gydnabyddedig Agored Cymru ar gyfer Gwobr Dug Caeredin. Rydym yn gallu cynnig dros 6,000 o unedau a 400 o gymwysterau achrededig, sy'n cael eu cydnabod yn genedlaethol. Mae'r achrediadau yma wedi'u cwblhau yn yr ysgolion gan y Gweithwyr Cymorth Ieuenctid.

Gwasanaeth Ieuenctid

Pwrpas: Dwi eisiau i chi wrando arna i, a cynnwys fi; fel fy mod yn gallu bod yn berson ifanc, iach, hapus a diogel i wella fy llesiant i helpu mi gyrraedd fy llawn botensial.

Mesurydd: % o'r bobl ifanc ble mae eu lles wedi gwella ar ôl mynychu'r gwasanaeth




Mae'r ffigwr yma wedi parhau yn gyson uchel dros y ddwy flynedd ddiwethaf sydd yn adlewyrchu un o brif flaenoriaethau'r Gwasanaeth i wella lles pobl ifanc Gwynedd. Mae adborth yn cael ei gasglu gan y bobl ifanc ar ddiwedd pob sesiwn yn yr ysgolion a'r gymuned. Yr her i'r dyfodol fydd i barhau gyda'r safonau yma gyda'r heriau i lesiant pobl ifanc. Rydym fel Gwasanaeth yn parhau i ddefnyddio egwyddorion y 5 ffordd at les i gynllunio ein darpariaeth ac yn sicrhau bod llais y bobl ifanc yn ganolog yn ein cynlluniau.

Gwasanaeth Ieuenctid

Pwrpas: Dwi eisiau i chi wrando arna i, a cynnwys fi; fel fy mod yn gallu bod yn berson ifanc, iach, hapus a diogel i wella fy llesiant i helpu mi gyrraedd fy llawn botensial.

Mesurydd: % o'r bobl ifanc sydd wedi mwynhau'r gwasanaeth a ddarperir




Mae'r ffigwr yma wedi parhau yn gyson uchel dros y ddwy flynedd diwethaf, sydd yn adlewyrchiad o'r adborth positif yr ydym yn ei dderbyn gan y bobl ifanc ar ôl iddynt fynychu ein sesiynau. Yr her i'r dyfodol fydd i barhau i gyrraedd y safonau yma ac ymateb i rai o'r sylwadau yr ydym yn eu derbyn i ddatblygu'r Gwasanaeth ymhellach. I gyfoethogi'r data yma, rydym yn casglu dyfyniadau, astudiaethau achos ac yn cynnal fforymau llais pobl ifanc i gael y darlun cyfan.

Gwasanaeth Ieuenctid

Pwrpas: Dwi eisiau i chi wrando arna i, a cynnwys fi; fel fy mod yn gallu bod yn berson ifanc, iach, hapus a diogel i wella fy llesiant i helpu mi gyrraedd fy llawn botensial.

Mesurydd: % o'r bobl ifanc a fyddai'n dymuno parhau i fynychu sesiynau llesiant yn y dyfodol.




Mae'r ffigurau hyn wedi bod yn uchel dros y ddwy flynedd ddiwethaf ac mae'n flaenoriaeth gennym i barhau i ymgysylltu â phobl ifanc i gymryd rhan yn ein darpariaeth. Cesglir adborth gan y bobl ifanc ar ddiwedd pob sesiwn yn yr ysgolion a'r gymuned. Mae'r broses o werthuso ein Gwasanaeth yn barhaus, lle rydym yn derbyn adborth gan bobl ifanc er mwyn gallu addasu ac ymateb i'w hanghenion. Bydd y Gwasanaeth yn rhannu holiadur yn ystod yr ychydig fisoedd nesaf i dargedu'r unigolion nad ydynt yn ymgysylltu â'n darpariaeth er mwyn derbyn adborth gwerthfawr.

Gwasanaeth Ieuenctid

Pwrpas: Dwi eisiau i chi wrando arna i, a cynnwys fi; fel fy mod yn gallu bod yn berson ifanc, iach, hapus a diogel i wella fy llesiant i helpu mi gyrraedd fy llawn botensial.

Mesurydd: % o'r bobl ifanc sydd wedi gwella eu llesiant dros gyfnod o 3 mis (tim 16-25)




Mae'r ganran wedi gostwng ychydig o gymharu â ffigwr y chwarter diwethaf. Mae'r patrwm yma wedi amlygu ei hun dros y blynyddoedd diwethaf yn dilyn y cyfnod Nadolig ac yng nghanol y gaeaf lle mae ymchwil wedi dangos ei fod yn amser heriol, yn enwedig i bobl ifanc. Mae'r mesur llesiant yma yn cael ei gasglu drwy raglen WEMWEBS. Mae'r rhaglen yma yn ein galluogi i fonitro lles meddyliol y boblogaeth gyffredinol a gwerthuso prosiectau, rhaglenni a pholisïau sy'n anelu at wella lles meddyliol.

Gwasanaeth Ieuenctid

Pwrpas: Dwi eisiau i chi wrando arna i, a cynnwys fi; fel fy mod yn gallu bod yn berson ifanc, iach, hapus a diogel i wella fy llesiant i helpu mi gyrraedd fy llawn botensial.

Mesurydd: % o'r bobl ifanc sydd wedi cyflawni amcanion eu cynlluniau personol.



Mae'r ffigwr yma wedi aros yn eithaf cyson ers y chwarter diwethaf. Mae'r cynlluniau personol yma wedi eu cynllunio ar y cyd gyda'r bobl ifanc sydd yn cynnwys eu nodau tymor byr a hir sy'n ganolog i'w pecyn cefnogaeth. Gall y ffigwr yma amrywio o fis i fis gan nad yw siwrnai'r bobl ifanc bregus yr un peth ac weithiau mae angen goresgyn heriau annisgwyl fel rhan o'u cefnogaeth. Mae'r ffigwr o 74% yn gyfartaledd o ffigwr ynghlwm â'r data o ran y bobl ifanc yn cyrraedd eu nodau tymor byr a'r nodau hir dymor.

